

## ԲԱՅՐՈՆ

Վենետիկի հարավային մասում ընկած Սուրբ Ղազար կղզում ապաստան էին գտել մի խումբ հայ վանականներ: Նրանք ունեին իրենց վանքն ու տպարանը և գրքեր էին հրատարակում: Մի ամբողջ ձմեռ, ամեն օր, անգլիացի մեծ բանաստեղծ Բայրոնը մակույկով գնում էր այնտեղ հայերեն սովորելու: Նա շատ էր զարմացել, որ այդ փոքրիկ կղզում բնակվող հայ վանականները կատարելապես տիրապետում էին եվրոպական բոլոր նշանավոր լեզուներին: Բայրոնի հայերենի ուսուցիչ Ավգերյանը մայրենի լեզվից բացի գիտեր հունարեն, լատիներեն, եբրայերեն, ֆրանսերեն, գերմաներեն, անգլերեն և իտալերեն:

Անգլիացի գրողը թե հայերեն էր սովորում, թե մխիթարություն և հանգիստ գտնում հյուրասեր ու գիտուն հայ վանականների շրջանում: Նա սիրով ծանոթանում էր հայ ժողովրդի պատմությանն ու մշակույթին, հայերենից թարգմանություններ էր կատարում: Իր ուսուցչի օգնությամբ Բայրոնը կազմեց քերականական դասագրքեր ու բառարաններ՝ նպատակ ունենալով եվրոպացիներին ուսուցանել աշխարհի հնագույն ժողովուրդներից մեկի լեզուն, սեր ու հետաքրքրություն առաջացնել հայերի հանդեպ:

« Ինչպես էլ եղած լինի հայերի ճակատագիրը, - իսկ դա անցյալում շատ դառն է եղել,- ինչպիսին էլ լինի ապագայում, նրանց երկիրը հավետ կմնա որպես աշխարհի ամենահետաքրքիր երկրներից մեկը », գրել է Բայրոնը:

### Exercices

I. Modifiez les phrases en employant le subjonctif comme dans l'exemple :

*Նա չի ուզում խոսել – թո՞ղ ի՞նչ խոսի et թո՞ղ ի՞նչ չխոսի*

- |                            |                                   |
|----------------------------|-----------------------------------|
| 1. Նա չի ուզում կարդալ:    | 2. Նրանք չեն ուզում պատասխանել:   |
| 3. Նա չի ուզում ջրել ծառը: | 4. Նա չի ուզում գալ:              |
| 5. Նա չի ուզում ճաշել:     | 6. Արամը չի ուզում լվալ հագուստը: |
| 7. Ձին չի ուզում վազել:    | 8. Աստղիկը չի ուզում անել դասերը: |

II. Répondez aux questions suivantes :

- |                                  |                                      |
|----------------------------------|--------------------------------------|
| 1. Ի՞նչ կանեիք, եթե անձրև գար:   | 2. Ի՞նչ կանեիք, եթե փող ունենայիք:   |
| 3. Ի՞նչ կանեիք, եթե ցուրտ լիներ: | 4. Ի՞նչ կանեիք, եթե Երևանում լինեիք: |

III. Formez des phrases composées d'un subjonctif et d'un conditionnel :

1. ջրել - ծաղկել
2. գրել - ստանալ
3. լինել - տեսնել
4. գալ - տալ
5. լուսանկարել - ունենալ
6. քաղել - ուտել